

## *Los mots*

*R*ovilhats pel mal temps, adelits,  
per las nèus e las raissas pòirts,  
dessecats pel solelh sul camin,  
los mots s'avalisson a la fin.

*Dins l'escur apallits pel vielhum,  
dapasset rosegats pel ratum,  
ambel temps que va, ven e s'enfug,  
los mots s'escantisson sens cap bruch.*

*Coma l'aiga se pèrd dins la bruma,  
negada per la mar e l'escruma,  
los mots se van pèdre sus la duna  
e nosautris tanben, jos la luna.*

*Los mots passisson quand mòr l'estiu.  
Alavetz, cremats pel recaliu,  
cendres s'en van, carregats pel riu,  
muda posca grisa dins lo briu.*

*Los mots s'avalisson a la fin,  
nuds, solets, matrassats pel destin.*

F. C.  
8 d'agost de 2006